

常德府志卷之十一

學生劉廷芳勘

官守志

生民利病政務舉廢率繇於郡邑之職吏然吏於郡邑者庶矣而長吏為重蓋其職於民為最親而其志為易行於民也果得人焉丞倅以下皆有所觀法有所嚴憚各思修其職而斯民受福多矣否則上下雷同胥戕胥虐民之受害其有窮乎吾郡楚西南要衝吏於是者宜多偉人然歷代職制不同而人之賢否

常德府志

卷十一

乙

亦異是故博考而備錄之一以存故實一以示勸戒固不可以繁複例論也作官守志

職負

唐虞之世十二州各有牧周制百里為縣未聞設郡春秋郡小而縣大戰國郡始大於縣矣秦罷封建置郡縣漢因之郡有太守縣有令長唐則罷郡置州易守為刺史宋置知州事悉隸京師元罷州置總管路皆權時制宜職守禁乎靡

一入我

皇明酌古為治分天下為司府州縣以司轄府以府統州縣大小相維名號不紊噫至矣此所以開久安長治之休也歟

東漢

武陵郡

太守一員

秩二千石掌治民進賢勸功決訟檢姦嘗以春行所主縣勸民農桑賑救乏絕

秋冬遣無害吏案訊者囚平其罪罰論課最殿歲盡遣吏上計

常德府志

卷十一

二

郡丞一員

秩六百石掌佐守

長史一員

秩六百石掌兵馬邊郡置

郡尉一員

秩六百石掌佐中典武職甲卒

丞一員

秩六百石掌佐尉景帝中更名都尉建武七年省

功曹史

主選署功勞有五官掾署功曹及諸曹事

五部督郵曹

掾一人監屬縣亭長一人主正門主記室史主錄記書催期會諸曹各有

書佐幹
主文書

屬縣

縣令一員

或長一人其縣萬戶以上為令秩千石至六百石減萬戶為長秩五百石至三百石

百石掌治民顯善勸義禁姦治慝理訟平賦恤民時務秋冬集課上計於所屬郡

丞一員

秩四百石至二百石掌署文書典知倉獄

尉一員

秩同丞主盜賊凡有賊發主名不立則推索行尋禁察奸宄以起端緒

亭長

十里一亭有亭長

三老

十亭一鄉鄉有三老

嗇夫

一鄉一人

游徼一人

鄉佐一人

里魁

一里一人以上皆秦制漢多因之以郡縣大小為等當時武陵郡所統甚大疑置上郡各

常德府志

卷十一

三

縣則有詳畧不同然亦不可悉考矣

唐官制

州縣各分上中下其官為品有正從亦分上下

朗州

下凡戶滿四萬以上為上州刺史從三品三萬以上為中州不滿二萬者為下州唐時朗州止

轄二縣戶不滿二萬則為下州可知

刺史一員

正四品下掌宣德化歲巡屬縣觀風錄囚恤鰥寡

別駕一員

從五品上本丞也武德元年改別駕主貳州事

司馬一員

從六品上掌弼戎政平居則習蒐狩有役則申戰守之法凡器械糧糈軍籍錫

子皆專為

錄事參軍事一員 從八品上掌正

錄事一員 從九品下

司曹參軍事一員 從八品下兼掌司功

司戶參軍事一員 從八品下兼掌司兵事佐

司法參軍事一員 從八品上兼掌司士

參軍事二員 從九品下

執刀十人 典獄八人 問事四人 白直十六人

市令一員 掌市廛交易禁斥非違之事佐一人

常德府志

卷十一

四

經學博士一員 正九品下以五經教授諸生助教

失俊選者為秀才通二經以上者為明經明問時務精熟一經者為進士通達律令者為明法其正直清修名行孝義旌表門閭堪理時務亦隨賓貢為孝弟力田凡貢每歲一人若有茂才異等亦不抑以常數其鄉飲二社釋奠之禮皆以少年

醫學博士一員 從九品下每年任土所出藥物可用者隨時收採以給人之疾患助

教一人學生十人

武陵縣 龍陽縣

縣令一員 從七品上掌導風化察克滯聽獄訟收授民田歲季行鄉飲酒禮其籍帳傳驛

倉庫盜賊河隄道路
雖有專官亦兼綜焉

丞一員正九品掌
貳縣事

主簿一員從九品上掌
考簿籍

尉一員從九品下掌
分判
衆曹收率課調

錄事一員

司戶佐二人史四
人帳史一人

司法佐二人
史四人

典獄六人 問事四人 白直八人

常德府志

卷十一

五

市令一員佐一人史一人
一人無市則闕

博士一員專以經術教授諸生
先聖先師助教一人
學生二十人或二十
五人

宋官制宋分天下為府州軍監州在府之下軍監之上
視戶多寡以為大小縣分赤畿望繁上中下七
等建官
有差

朗州 昂州

知州事一員掌總理郡政宣布條教糾其姦慝歲
時勸課農桑旌別孝悌其賦役錢穀
訟獄之事兵民之政皆
總焉以文武官參為之

通判軍州事一員

掌倅貳州事凡兵食錢穀戶口賦役獄訟聽斷之事可否裁決

與守通僉書施行所部官善惡得刺舉以聞建炎初置二人後減一人

軍事判官一員

太平興國中以贊善大夫充加節度判官

軍事推官一員

職同判官

幕職僉書判官廳公事一員

掌禪贊州政總理諸案文移斟酌可否白

於其長而罷行之

諸曹錄事參軍事一員

掌州院度務糾諸曹稽違

司理參軍一員

掌獄訟鞠勸之事

常德府志

卷十一

六

司戶參軍一員

掌戶籍賦役倉庫交納

司法參軍一員

掌議法斷刑

教授一員

掌以經術行義訓誨諸生督其課試之事而糾正其不知規者

永安軍 靖康軍 常德軍

陞置節度使一員

常德府

領本軍節度

其安撫經畧等使隨時置以本官領之外又置湖北提刑常平團練等官

餘職同州

武陵縣

桃源縣

俱望宋制縣有望緊上中下四千

千戶以上為上千戶以上為中上不

令一負

掌總治民政勸課農桑平決訟獄有德澤

給納之事皆掌之以時造戶版有水旱流亡則撫存安集無使夫業有孝弟行義聞于鄉閭具事實上于州激勸以厲風俗

丞一負

主管常平坑冶農田水利

主簿一負

主出納官物銷註簿書

尉一負

主閱弓手戰禁姦暴

常德府志

卷十一

七

龍陽縣

中縣省丞一人

元官制

常德路

達魯花赤一負

華言宣差以蒙古人為之監路事兼勸農

總管一負

以漢人南人為之總管一路之政兼管內勸農事以上皆長官其制上路達魯

花赤總管兼府尹俱正三品下路達魯花赤總管從三品散府達魯花赤及知府正四品

同知一負

佐理路政

判官一負

職同上

推官一員

至元二十三年
置掌專刑獄

經歷一員 知事一員 提控案牘一員

照磨兼承發架閣一員 司獄一員 獄丞一員

錄事司

至元十五年置專主在城坊廂開爭詞訟盜賊等事

達魯花赤一員 錄事一員 以上二官
為司長官

判官一員 兼捕盜事 典史一員

儒學教授一員 學正一員 學錄一員

蒙古學教授一員 書院山長一員

常德府志

卷十一

八

醫學教授一員 陰陽學教授一員

武陵縣 上屬錄事司

達魯花赤一員 掌縣印

縣尹一員 掌判縣事 縣丞一員 主簿一員

縣尉一員 不署縣事專掌捕盜賊及煙火爭競之事 典史一員

儒學教諭一員

桃源州 中龍陽州下

達魯花赤一員 知州一員 同知一員

判官一員 推官一員

儒學教授一員

沅江縣 下屬龍陽州職視 武陵省丞一員

國朝

常德府

知府一員 正四品總理府事掌印其勳階初授中

贊治尹其章服朝冠四梁赤羅衣裳蔽膝白紗中單青緹領緣大帶用赤白緙革帶用金佩用藥玉綬用雲鶴花錦環二用金象笏白襪黑履公服幘頭黑膝翅長一尺二寸衣赤羅或紵絲

常德府志

卷七

九

紗絹隨用藍領右袵袖寬三尺帶鍍金荔支青鞞皂鞞祭服冠佩綬裳蔽膝中單履笏俱同朝服惟衣青羅領緣皂飾常服烏紗帽團領衫花樣雲馬素金帶儀仗夫十人馬一乘鞍籠馬元交床各一涼傘用茶褐羅表紅裏三簷紅葫蘆頂兩傘用油絹牙杖骨朶各一對成化元年例在外四品以上官用錫製藤棍各一對七品以上官用藤棍一對八品九品官用竹篾一對雜職官不許引導按錫製古無即骨朶是其俸每月二十四石實支本色米三石八斗折色二十石二斗欵給馬一疋馬夫三十丁柴薪皂隸六名近例每名編銀一十二兩後放此

同知一員 正五品佐知府以理庶務近則清軍匠

授奉政大夫修正庶尹其章服朝冠三梁衣裳中單蔽膝笏履俱同知府革帶用銀鍍金佩用

樂王綬用盤鵬花錦環二用銀鍍金公服幞頭
鞞笏與知府同衣用青羅烏角帶祭服衣裳中
單蔽膝同知府冠帶佩綬同本職朝服常服花
樣白鵬銀釵花帶儀仗夫六人馬疋鞍籠等並
同知府涼傘青羅表紅裏兩簷紅葫蘆頂引導
一對其俸每月一十六石本色三石二斗折色
一十二石八斗欵給馬一疋
馬夫三十丁柴薪皂隸四名

通判一員

正六品職在佐理近例管督糧餉勲階
初授承直郎陞授承德郎其章服朝冠

二梁革帶用銀佩用藥玉綬用練鵝花錦環二
用銀笏用槐木衣裳中單蔽膝履襪同知府公
服同知府朝服常服花樣鷺鷥素銀帶儀仗夫四
本職朝服常服花樣鷺鷥素銀帶儀仗夫四人
涼傘青絹表紅裏兩簷餘同同知其俸每月一
十石本色三石折色七石欵給馬一疋馬夫三

常德府志

卷十一

十

十丁柴薪
皂隸四名

推官一員

正七品職掌刑名凡本府接受一應詞
狀皆牒送問擬完日送府園審發落勲

階初授承事郎陞授文林郎吏負材幹等出身
授宣德郎其章服儀仗俱同通判俸每月七石
五斗本色二石二斗五升折色五石二斗五
升欵給馬一疋馬夫三十丁柴薪皂隸二名

首領官經歷司經歷一員

正八品凡本府文書出
入俱照過有行御史則

照會轉呈方印其勲階初授連功郎陞授修職
郎其章服朝冠一梁革帶用銅綬用鸚鵡花錦
環二用銅視笏公服綠羅祭服同推官冠帶佩
綬同本職朝服常服花樣鶴鷄練鵝烏角帶儀
仗同推官其俸每月六石五斗本色一石九斗
五升折色四石五斗五升欵給馬一疋馬夫三

十丁柴薪

皂隸二名

知事一員

正九品職在佐經歷以理司事勲階初授將仕郎陞授登仕郎其章服儀仗同

經歷俸每月五石五斗本色一石六斗五升折色三石八斗五升欵給馬一疋馬夫三十丁柴薪皂隸

二名

照磨所照磨一員

從九品職主磨勘按季照制文卷每日公文出入皆附簿勾銷

方印勲階初授將仕郎陞授登仕郎其章服儀仗同經歷俸每月五石本色一石五斗折色三

石五斗欵給馬一疋馬夫三十丁柴薪皂隸二名

檢校一員

未入流職以磨勘為事無勲階章服得用黃鸛鶴鷄欵給馬一疋馬夫三十丁

常德府志

卷十一

十一

俸每月三石本色一石折色二石續增柴薪皂隸一名嘉靖九年奉例裁革

司獄司司獄一員

從九品職掌一應囚犯方印其勲階章服儀仗月俸柴薪皂隸

俱同照磨

儒學教授一員

從九品總管學政方印其勲階章服儀仗同府照磨俸每月五石實

支廩米一石

訓導四員

俱未入流分教生員章服同府檢校俸每月三石實支嘉靖九年奉例裁革其

陰陽學正術一員

從九品方印領陰陽生推測以授民事勲階章服同府照磨不

制

醫學正科一員

從九品方印領醫生治藥餌

稅課司大使一員

從九品方印掌收商賈門攤酒醋等鈔勳階章服儀仗月俸同

府照

倉大使一員

從九品方印主收支稅糧勳階章服儀仗月俸同稅課大使

副使一員

未入流主收支章服儀仗月俸同府檢校

各通運所大使各一員

未入流條記主專接送章服等項同檢校

各河泊所河泊各一員

未入流條記章服等項同檢校

常德府志

卷十一

十二

各巡檢司巡檢各一員

從九品方印主緝捕盜賊囚犯勳階等項同照磨俸

每月一石二斗實支

僧綱司都綱一員

從九品方印副都綱一員未入流

道紀司都紀一員

從九品方印副都紀一員未入流以上四員主

領各僧道焚修不制祿

武陵縣

知縣一員

正七品方印總管一縣政務知府總大綱於上本職則分理於下謂之親民官

所係最重其勳階章服儀仗月俸馬夫與本府推官同惟紫薪皂隸增二名

縣丞一員

同

正八品主佐知縣分理政務勳階章服儀仗月俸馬夫柴薪皂隸俱與府經歷

主簿一員

正九品主勾稽出納勳階章服儀仗月俸馬夫柴薪皂隸俱與府知事同

首領官典史一員

未入流主贊理縣政章服儀仗月俸馬夫柴薪皂隸俱與府檢

同校

儒學教諭一員

未入流條記職掌與府儒學教授同其章服月俸與府訓導同

訓導二員

未入流分教生員章服月俸與府訓導同嘉靖九年奉例裁革其一

各驛驛丞各一員

未入流條記主迎送供應章服等項與倉副使同舊不制祿近

常德府志

卷十一

十三

創定與月俸石二斗實支

桃源縣

龍陽縣

沅江縣

知縣以下俱同武陵惟沅江則省丞簿二員

陰陽學訓術醫學訓科各一員

僧會司僧會道會司道會各一員

俱用條記

常德府志卷之十一終